

الاندر قاع وين يتباع: يا متشدد / Guito'n

13 قرن عشنا توانسة مسلمين

فينا لي يشرب و فينا لي يسموكي و فينا المتقين

عشنا مع بعضنا

ثرنا زادة مع بعضنا

خاطرنا نعيشوا الفقر و زيد فوق هذا مقموعين

2011 خرجنا للإنتقام

و فما لي ما ثاروش معنا خاطر الثورة حرام

نفس اللي تخبوا خرجوا اليوم كفرونا

مسلمين و كفار هكا قسمونا

يقحرولك كي تتعدى في يدك قارورة

ناقم عليك كان يلقي يفجر البورا بورا

ما يحبوش نواب يحبوا شيوخ في مجلس الشورى
سيادة مش للشعب تي هاي ولت بالغورة
بالنسبة ليهم أحنا زناديق و رهوط
يشوفوا فينا كفار و الحاكم يشوفوه طاغوت
ما نستغربش كان كوارجي برصاصة يموت
كان يفيقوا بيه ما قالش بسم الله قبل ما يشوط

الشعب التونسي شعب مسلم معتدل
نبقوا ضد التشدد إنت تكتب هو يمل
مجتمعنا الناس الكل مش جيست مجتمعكم
اليوم وين فهمنا علاش الزين كان قامعكم
يا متشدد هاو ملخر كلمتين
الجهاد مش في تونس الجهاد في فلسطين
قيد يا تاريخ في القرن الواحد العشرين
يحبوا رجم في الساحات و قصان يدين
شعب حر حد ما يتحكم فينا
ربي لي يهدي مش بالسيف إنت باش تهدينا
ديننا الإسلام كان إنتم شوهتوه

ماناش كفار حتى أحنا ربي نعرفوه
نعرف في تفكيرك مش موجودة الحريات
عادي تفجرنا معاك باش توصل للحوريات
تي كان تلقى تمنع الاختلاط في الانترنت
فايسبوك للرجال و فايسبوك للبنات

كلنا توانسة يا معلم خلينا وخبّان
تونس حاجتها بينا ماناش حارقين للطلّيان
عندك الحق تفسر وحدك القرآن
أما ما عندكش الحق تفرض علينا تفسيرك
نبقاوش مرهونين في إنت و ضميرك
حتى تولي تستعرف بحرية غيرك
ملخر و قول قالها فیتو آن
سيناريو قتل الشعب و قيّد على الأميركيان
قيد على الماسونية أحنا خاطينا الإرهاب
مش أحنا قصينا ريوس مش أحنا لي كلينا عباد
مش أحنا لي قتلنا الدزائر في التسعينات
مؤامرة صهيونية خاطينا هالممارسات

ديما خاطينا خاطينا سيناريو ولى قديم
شعب ما تجدش عليه خاطر ماهوش زكيم

إنت مسلم تكفيرى إنا مسلم تفكيرى
إنت يسيرك إمام و أنا يسيرنى ضميرى
تخزلى كافر أنا نخزرك ضحية
و نشوفك بعث بلادك لقطر و السعودية
نحب بلادى كى اليابان و إنت تحبها كى الصومال
درا بوياء نجمة و هلال درابوك متاع طالبان

إنا نقدر بنت بلادى خرجت معانا فى الثورة
إنت تشوفها ناقصة عقل المرأة عندك عورة
إنا نحبها هى زادة تشارك فى بناء و طنها
و انت تحبها فى سوريا تمشى تعطي بدنها
نتمنى نشوفها تطلع فى صاروخ الفوق
و انت تحبها تشد الدار ممنوع عليها تسوق
تحب تولى تعرس بيها و تطلقها بكلمتين
و إنا كونتر انك تاخوها عمرها 10 سنين

نحب المساواة و الشعب يكون عياش
و انت تحب 4 نساء و الزوالي يبقى بلاش

انا نحب ديموقراطية و حكومة تحت القانون
و انت تحب خليفة صلاحياتو اكثر من فرعون
نحب رئيس يتحاسب كيفاه و علاه
و انت تحب حاكم اللي يعارضوا كانوا عارض الإلاه
قمعنا بورقبيية و زاد قمعنا الزين
جاي تحب تفرض دكتاتورية جديدة باسم الدين

نحبوا النظام اللي للمريخ طلع البشر
و انت تحب النظام اللي قتل الصومال بالشر
نظام سبب الفتن و قسم السودان
خلا لي تقرا تتطش بماء فرق في أفغانستان
ما نحبوش العراء أما نحبوا حلول
و إنت تحب دولة خلافة ما حكاش عليها الرسول
حاربنا على جال الحرية قداش من عام
ما نرضوش بعباد يشوفوا الديمقراطية حرام

حاجتنا بكفاء ات هزوا علينا شيخكم
عمركم ما نظمتوا انتخابات في تاريخكم
عمركم ما استعرفتم لا بتصويت لا بترشيح
في سيستامكم لغة وحدة سياسة التذبيح

ملخر حر ما نخضعش لحد تهني
بيني و بين اللي خلقني مش انت الي باش تدخلني للجنة
كلنا توانسة خواتك و انت خونا
sinon أهايكا الصحرا حطوا خليفة و اخطونا
زبراط و إلا عامل لحية كلنا و خيان
شبيك تحب تحاسبني في بلاصة ربي يا إنسان
كل واحد يعرف مصلحتو كل واحد و أمور
سيادة للناس الكل علاش انتوما تحبوا تغوروا
تحب الفتاوي تحكم تونس الغد
اليوم يحكوا على الحرية غدوة يذبحوا المرتد
يحبوا ينحوا العلماء يحطوا في بلاصتهم أيمة
مع إحترامي للأيمة نحب بلادي في القمة

يا متشدد فیتو آن ما حاجتوش بفلوسکم
اقتلوني أما الشعب يقصلکم ریوسکم
کلمة الحق نقولها و جامي نسلم
رابوراتنا جبناء حد ما هو باش يتکلم
ثورتنا باش نحموها و ما على بالنا بيکم
خاطر کلنا عارفين التعليمات منین تجيکم
ما عنا ما نقولوا کان ربي يهدیکم
مش منکم ملي باسم الدين يتاجر بيکم

الأندرقاع وين يتباع؟! في حتى بلاصة!!! خاطر الأندرقاع عمره ما كان يتباع!! موزيكا تخرج
مالقلب تدخل للقلب... كل نهار سبت، عنا لقاء مع واحد من فناني الأندرقراوند في تونس... وحل
کيت في وذنک و [أدخل على نواة اکتشف فناني بلادک...](#)